

Memoria xustificativa do convenio de colaboración entre a entidade pública empresarial Augas de Galicia e o Concello de Culleredo para a posta a disposición dos terreos necesarios para a execución da continuación do itinerario peonil e ciclista que parte da rúa Río Mero e que se conectará co paseo da Ría do Burgo

1 Antecedentes

O 27.11.2002 a Consellería de Medio Ambiente, o Organismo Autónomo Augas de Galicia da Comunidade Autónoma de Galicia e a Confederación Hidrográfica do Norte do Ministerio de Medio Ambiente subscribiron un convenio de colaboración para a execución do “Proxecto de Acondicionamento Hidráulico do río Mero entre a Presa de Cecebre e a súa desembocadura (A Coruña)”.

A cláusula oitava deste convenio establece que “unha vez terminada a obra e recibida definitivamente, será entregada para o seu uso público á Consellería de Medio Ambiente da Comunidade Autónoma de Galicia que, a partir desde intre, farase cargo, a todos os efectos, da mesma”.

O 05.07.2007 a Confederación Hidrográfica do Norte do Ministerio de Medio Ambiente comunicou á Consellería de Medio Ambiente da Comunidade Autónoma de Galicia que o 07.06.2007 se realizou a recepción das obras obxecto do convenio de referencia, manifestando na dita comunicación que a partir da data da recepción resulta de aplicación a cláusula oitava do convenio.

O 19.05.2020 a Consellería de Medio Ambiente, Territorio e Vivenda e a entidade pública empresarial Augas de Galicia formalizaron o convenio de colaboración para o exercicio das competencias de acondicionamento, mantemento e conservación do entorno do río Mero, cuxo obxecto é que Augas de Galicia asuma as obrigas que, trala recepción das obras, lle corresponden á Consellería de Medio Ambiente segundo a cláusula oitava do Convenio para a execución do “Proxecto de Acondicionamento Hidráulico do río Mero entre a Presa de Cecebre e a súa desembocadura (A Coruña)”, asinado o 27.11.2002.

2. Obxectivos que se pretenden

O obxecto deste convenio é establecer as condicións da colaboración entre Augas de Galicia e o Concello de Culleredo respecto da posta a disposición por parte de Augas de Galicia dos terreos



necesarios para que o concello execute a continuación do itinerario peonil e ciclista que parte da rúa Río Mero e que se conectará co paseo da ría do Burgo.

Para estes efectos, Augas de Galicia poñerá a disposición do Concello de Culleredo os terreos necesarios para que o concello poida executar o Proxecto “Itinerario peonil e ciclista de conexión entre a Rúa Río Mero e o Paseo fluvial” e comprométese a iniciar un procedemento para a mutación demanial a favor do Concello de Culleredo unha vez que se executen as obras.

Pola súa parte, o Concello de Culleredo obrígase a solicitar as autorizacións que sexan necesarias para a execución das actuacións, pagar todos cantos tributos graven as ditas instalación, conservar e manter en bo estado as obras e instalacións que executen e actuar como Administración beneficiaria do procedemento de mutación demanial dos terreos.

3. Necesidade da colaboración, razóns de oportunidade e xustificación da non concorrencia

O Concello de Culleredo está interesado en executar, dentro do programa europeo EDUSI_FEDER, a continuación do itinerario peonil e ciclista que parte da Rúa Río Mero e que se conectará co Paseo da Rúa do Burgo, para o que é necesaria a execución do tramo de conexión desde a Rúa Río Mero ata o paseo fluvial de Cambre. A lonxitude total do tramo será de 757 metros e permitirá vertebrar os diferentes núcleos do Concello de Culleredo cun transporte sustentable, seguindo os obxectivos do Programa operativo FEDER 14-20. O dito tramo atópase nas instalacións das que se fixo cargo Augas de Galicia para o seu uso público, o 19.05.2020, por razóns de eficacia

O artigo 57 da Lei de bases do réxime local, e o 194 da Lei da Administración local de Galicia determinan que a cooperación económica, técnica e administrativa entre a Administración Local e as Administracións do Estado e das Comunidades Autónomas, tanto en servizos locais como en asuntos de interese común, desenvolverase con carácter voluntario, baixo as formas e nos termos previstos nas leis, podendo ter lugar, en todo caso, mediante os convenios administrativos que subscriban.

Polo exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, de 8 de novembro, de contratos do sector público, de acordo co establecido no artigo 6 da antedita lei.





4 Estimación de custos e financiamento

A subscrición do convenio non supón obrigas de contido económico para Augas de Galicia.

A estrutura das cláusulas do convenio é a seguinte: Primeira.- Obxecto; Segunda.- Obrigas das partes; Terceira.- Financiamento; Cuarta.- Vixencia; Quinta.- Comisión de seguimento; Sexta.- Modificación; Sétima.- Extinción do convenio; Oitava.- Natureza e xurisdición; Novena.- Protección de datos de carácter persoal; Décima.- Publicidade.

Para a tramitación deste convenio, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela

A directora de Augas de Galicia

Teresa María Gutiérrez López

(documento asinado dixitalmente)

